

# 1 TESALONICENSES

**Pablo Inahaboniminaama Caatiniuhi  
Moocaani Iijaminaadi.**

**1** Uujoho Pablo, Silvano, Timoteo icamisima caatinihi jihaameque monahabomi Tesalonica cuumivi iicajahaje Moocaani iijaminaadi. Moocaani, Aivojiibo Jesucristo icamisima sano agataacinimedi. Jaamo amiihai Moocaani, Aivojiibo Jesucristo icamisi iiminoco aacinoma, sajeebiima icano mihica.

**Tesalonicaminaa Miyaavogoco  
Agaajasuhicauno.**

<sup>2</sup> Fahijivaro miihai Moocaanico graciao mahacihicahi paryi amiihaihallivi Moocaanima mihiimaasumi. <sup>3</sup> Mehesafetehicahi suufenitimo Moocaani imefeenevi guiraano amiihai miyaavogofeenedi mududicamaaihicano, sihidi amiihai gajifañodi mejeecivehicahi, amiihai Aivojiibo Jesucristoco mehesicinihicano quehecuno iicaneguiiha. <sup>4</sup> Tañahabomi, Moocaani amiihaico gajiji. Jaamaño diibo amiihaico iiciuboro ificuunoco miihai magaajahi, <sup>5</sup> amiihaico taajasujibogoco mijiibuguusumi ticovohijiri mijiibuguutih, Moocaani Gaija mityari. Tobogo miyaano iicanoco imino magaajamoro mijiibuguui. Amiihairyo magaajahi amiihaifeenevi miihai imino mihicaunoco, amiihai imino miicaqui.

<sup>6</sup> Jaamo amiihai, miihaiti, Aivojiibo Jesucristoti icano magaajauhi. Jaamoro miihaibadiro mihicahi. Jaamoro tobogoco magaayiciuhi imo imo amiihaico Moocaani Gaija aaciuneri, idaasuno sihidi mihicaurunofeenedi. <sup>7</sup> Amiihaiti paryi imiyaavugucuumo Macedonia jinijeminaa, Acaya jinijeminaa icamo igaaajqui. <sup>8</sup> Jilliti amiihai magaajasuhi Aivojiibo Jesu jibogoco. Macedonia, Acaya icano jinijeviro icatino. Tolliro fahigova jinijeminaa gaajacuui, amiihai Moocaanico mimiyaavogonoco. Jaamaño miihai diitoco milli munuucujitirahi. <sup>9</sup> Diitoro miihaico sahigotiro jiiibeguehicaacuuhi, miihai amiihaijaago mihigutumoco imino magaayiciunoco, bu tolliro amiihai jiniitaco mejeecivehicaunoco mejeevesuumoro Moocaani iicaabo miyaabocoro mejeecivequi diibojaagovi miminifutumoco, <sup>10</sup> tolliro bu jiiibeguehicaamo amiihai, Jesu niquejefañoti asaajiiboco motoomonoco. Jaabo Jesu Moocaani Achi. Jaaboco, Moocaani iguijevecuuboco siino buheetesuui. Jaabo diibo Jesu miihaico taajasuji idaasuno mihicajirunoti.

**Pablo Tesalonica Cuumivi Ududicamaaihino.**

**2** Tañahabomi, amiihairyo magaajahi, amiihaico mabaajeunoco sicamañovi icautinoco. <sup>2</sup> Iticoni Filipino cuumivi miihaico: Imitino, unuumoro idaasuno mooniurumo amiihairyo magaajacuno. Jaarunofaño miihaico Moocaani amusuuhi itaajasujiibogoco amiihaico iguitimoro mijiiibeguequi sihidi jeevarunofeenedi. <sup>3</sup> Tobogoco sicamañodi mijiiibuguutihi imitino momooniqui icautino, bu mabañiqui icautino. <sup>4</sup> Iticoni Moocaani miihaico inisuuboro aciubo tajiibaubo fiivo jiiibogoco. Jaabadi miihai mijiiibeguehicahi. Jilli miyaminaaco imo imo mihicasuqui icatino Moocaanicoro imo imo mihicasuqui mojeebiiinoco agaajaciiboco. <sup>5</sup> Amiihairyo magaajacuuno miihai amiihaico mabañamaaihicautihi oovosiinoono ihiimaaneri. Jilli nihibamicoro amiihaiti mihiciqui icahicautino. Jaamoco Moocaani gaajahi. <sup>6</sup> Tolliro bu miyaminaa miihaico obocigonoco miguiinotihi amiihaiditi, bu sitaaditi icano. Miihaico Cristo agalluumoco amiihai mobociguejiruno icarunaaca, 7 jilli amiihaico miihairyo icigusuno momooniuhu gaigo isemegayiiimico otomonicibadi. <sup>8</sup> Sihidi amiihaico magajijimaño Moocaani jiiibogocoro mahacitihi, tolliro bu amiihaihallivi moñico mahacijirahi sita iguijeniqui, amiihaico sihidi magajijimaño. <sup>9</sup> Tañahabomi, amiihairyo magaajacuuhu miihai dudicamaajeque sihidi jeevarunofaño; fucu, bu cuuje icano mududicamaaihicauhi toono sefati miicaqui, amiihaiñoco mudumitiiciqui icatino Moocaani iijico amiihaico mijiiibeguehicaunohachuta.

<sup>10</sup> Jaanoco amiihai magaajahi, bu tolliro Moocaani gaajahi, amiihai mimiyaavogomofeenevi mojeebii imino iicaunoco imino momoonihicauhi, miihaiñoooba miihaiti: Imitino, nootimo iicaqui. <sup>11</sup> Tolliro bu magaajahi amiihaico saafiisari mafajiiñihicauhi, majacusuhicauhi icano caani isemeque icanicibadi. <sup>12</sup> Amiihaico meneehicauhi imino miicaqui Moocaanita iicamo iicanicibadi. Jaabo amiihaico cuuhuvahi diibo bociguiino ihaivojifaño miicaqui.

<sup>13</sup> Jaamaño jilliti miihai fahijivaro Moocaanico graciaco mahacihicahi amiihai Moocaani iijico miihaiditi muguubuusumi magaayiciuhi miyabogo Moocaani jiiibogoco; miyaminaatiobogobadiro icatino. Jaabogo amiihai miyaavogominaafeeneri sihidi ejeevanoco etavehicauhi. <sup>14</sup> Monahabomi, amiihai yotoro amiihaico idaasuno moonihi. Moocaani iijaamo Judeari iicajahajeminaa Cristota iicaubadi mihicahi. Diitoco tolliro iyotoro judiomi idaasuno mooniuhu. <sup>15</sup> Diito judiomi, Mohaivojiiibo Jesuco guijeniuhu. Tobadiro bu iticoni Moocaani iimaaminaa iicaurumoco guijeniumo. Jaamoro miihaico buhigovi gañiimo. Moocaanidi imino moonitimo. Jaamoro paryiicino miyaminaaco jiiheveme. <sup>16</sup> Jaarumo bu judiomi iicatimoco itaajaqui mijiiibeguejirunaaca imeguehcatimo. Jilliti janaaniviro imitico guiraatusumo. Jaamaño jisumi imino Moocaani ñihicuno omoonijino gasecui diitohallivi.

**Pablo Tesalonicaaminaaco Abaatonoco  
Siino Imeguehi.**

<sup>17</sup> Tañahabomi, amiihaiti sihigovi miminifutusumi, amiihaico fafucuvaaciviro mahatyimetirumo mojeebiiifañodi amiihaico mehesicinihicahi. Tolliro bu sihidi mihimeguehi amiihaico mabaatonoco. <sup>18</sup> Jaamoro mefeaguehcarahi, fiiva foova uujoho Pablo, fiiva foova feequi

moonihicaurahi. Jaarunofaño iji mihaico casivusuhicahi. <sup>19</sup> ¿Nacu cono mihai esicini, cono mihai imo ica? ¿Toono jinejete nacu mihai imo imo mihicahi? Fine toono, Mohaivojiibo Jesucristo asaabo imefeenevi amiihai mihicajineguiiha mihai imo imo mihicahi. <sup>20</sup> Amiihaiti mihai macahacisucafeteji, imo imo mihicaji.

**3** Jaamo amiihai mihicanoco magaajagonoco majaabicicutimoro Atenaviro mifatafeteji. <sup>2</sup> Jaamoro monahabo Timoteocoro amiihaijaago magalluuhi Moocaani jeevivominaafi iicamaño, bu mohamusuminaafi Jesucristo jibogoco mijibogonoco meheetavehicamañovi. Jaabo amiihaico afajiniiboro iquehecutusuqui amiihai miyaavogoco. <sup>3</sup> Jilli iicanoti saatohoba Moocaani iijico jeevesutimo iicaqui, amiihairyo magaajahi tolli icanehejere idaasuno mihicanoco. <sup>4</sup> Jaanoti amiihaima mihicausumi mijibugucuuhi idaasuno mihicajinoco, jaabadi icauno magaajacuubadi. <sup>5</sup> Jaarunaaca jaabicicutitih uujoho galluuhi amiihaico idilluqui, amiihai miyaavogoti gaajaqui, iji amiihaico iimitinofaño aganiisujirunoco iguiiboro. Jaanoti mihai dudicamaaje sicamañovi iicajiruneguiiha. <sup>6</sup> Jaarunaaca Timoteo amiihaijaagoti uhuumiubo mihaico imino amiihai miyaavogo iicaunoti mihaico jibuguuhi, tolliro bu amiihai gajiti icano. Tolliro bu mihaico magajimoro mehesafetehicano mahatyimeguehicanoco icanoti. Tolliro bu mihai amiihaico mihicabadiro. <sup>7</sup> Tañahabomi, tobogoti mihai, iminootino idaasuno mihicahaurumo imo imo miminifutuhi amiihai miyaavogo imino iicanoti. <sup>8</sup> Jaamaño mihai bohono ifiima mihicabadi mihicahi amiihai Aivojiibofañodi sefano mihicahachijji. <sup>9</sup> Jaamo mihai sihidi janaanici graciaco Moocaanico mahaciji amiihaihallivi, amiihaiditi Moocaani imefeenevi sihidi imo imo mihicaneguiiha. <sup>10</sup> Fahijivaro sufenitimo Moocaanima iimaamoro mihicahicahi mihaico amiihaico ihatyimesuqui. Amiihaico imino mihifutusuqui amiihai miyaavogo imino iifototinoco. <sup>11</sup> Mihimeguehi Moocaani, Mohaivojiibo Jesucristo icano aamusunoco, amiihaico mabaatequi. <sup>12</sup> Jaabo Aivojiibo amiihai gajico iguiraaatusuqui. Jaamo magajicasih fahigova jino mihai amiihaico mihicabadi. <sup>13</sup> Amiihai jeebinoco diibo quehecuno ijeevadi ificuqui Moocaani imefeenevi iimitinobama icatino iicaqui, ufucu Aivojiibo Jesucristo asaasumi famooro diibotama iicaqui.

### Moocaanico Imo Imo Moomonino.

**4** Tañahabomi, toneguiiha amiihaico monoomoro matajiibahicahi Aivojiibo Jesufaodi. Imino mihicamoro Moocaanico imo imo momooniqui amiihaico mijibeguehicanobadiro amiihai momoonihicaqui janaanici.

<sup>2</sup> Amiihairyo magaajacuuhi amiihaico Aivojiibo Jesu onobadi mijibeguehicanoco. <sup>3</sup> Moocaani imeguehi amiihai ifiinoco diibojaagoviro miminiyumoro saatohoba buhigueejedi gaigoomima icacutimo mihicanoco. <sup>4</sup> Tolliro bu famooro amiihai taabamima iminoro mihicamoro magajiqui. <sup>5</sup> Sihidi aivo iimitinoco mihimogomoro icatino, siicumijie miyaminaa Moocaanico agaajatimo iicanicibadi icatino. <sup>6</sup> Mehesicini, mihañooba amiihai nahaboco imitino momoonidino, toonohalliti Aivojiibo Jesucristo aivono aamijirahi amiihaico meneehicacubadi. <sup>7</sup> Moocaani mihaico imitigui cuhuvatitih, imino mihicaquiro cuhuvaabo. <sup>8</sup> Jibogoco agaayicigotiibo miyaminaafico guubutiibo icatitih jilliro

Moocaanico guubutiibo. Jaabo Moocaani mihaico Igaijaco aaciuboco guubutihi.

<sup>9</sup> Jaanoti amiihai nahabomima magaijicasiqui amiihaidi caatinitih; amiihairyo Moocaaniti magaijicasinoco magaaajacuuneguiiha. <sup>10</sup> Jaamoro tolli momoonihicahi famoomaryo monahabomima Macedonia jiniijeri iicamoma. Jaarunofaño monohabomi, amiihaico meneehi: Janaaniviciviro amiihai imihuseque miguiraausuu. <sup>11</sup> Jaamoro sajeebii mihicamoro amiihai dudidamaajeeneriro mihica amiihairyo dudidamaaimoro mihica amiihaico munuubadi. <sup>12</sup> Jaamo Moocaanico imiyaavogotimo amiihaico imityaguequi, bu amiihai jinejebati cuujivaachutimo mihicahi.

### Aivojiiho Asaajino.

<sup>13</sup> Monahabomi, iguijevecumo milli iicajinoco gaajatimo iicanicibadi mihicadino. Jaamo idaasuvotimo miicaqui saatoho Cristoma niquejefaño iicajinoco eesicinitimo iicanicibadi icatimo mihicahi. <sup>14</sup> Jesu iguijeveubo siino ubuheeteunoco mimiyaavogobadiro, bu diitoco Moocaani buheetesuhi Jesuco iicaubadiro diiboco imiyaavogomoro iguijeveumoco. <sup>15</sup> Jilli iicanegui amiihaico meneehi Aivojiiho jiihogo onoobadi: Miihai jino Aivojiiho asaajinohachuta guijevetimo mihicajimo, iguijevehinicumoco misiiigujitih. <sup>16</sup> Aivojiiho Jesu ticoniji niquejefañoti iniitoobo imitya iijima. Jaasumi Moocaani toomominaa aivojiiho mitano sahagueji. Moocaani miriicuco iguisinofeenedi niitejiibo. Jaasumiro Jesucristoco imiyaavuumoro iguijevecinumoco ticoniji siino ubuheeteme. <sup>17</sup> Jaasumiro miihai miguijevetimo jiiinijehalliri mihicamo sano diitoma magaaniiiveji aimuufafeenedi Aivojiiho Jesuma mahatyimecasiqui caamovi. Jaamo tolli fahiiivaroo diiboma mihicacuuji. <sup>18</sup> Jaanegui fahigovavi mequehecusuquimaje jinofeenedi.

**5** Tañahabomi, jaanoti diibo asaajisumiti ifafucu oovoti icano amiihaico caatinitih. <sup>2</sup> Amiihairyo imino magaaajacuui, Aivojiiho asaajifucu gaseji imimañobati fucu nanivaminaafi agasenicibadi. <sup>3</sup> Jaasumi miyaminaa sajeebii mihicahi, imino mihicahi nuurunaaca diitohallivi imimañobati aivo gaseji, gaigo iseemevacuuqui aivonicibadi, aivo ifinisujinoti taajajitimo. <sup>4</sup> Jaanoti tañahabomi, amiihai gaajatimo mihicatih. Jaamaño amiihaivi tufucu nanivaminaafi iicanicibadi iicafucu gasejithi iiguutusuqui. <sup>5</sup> Jaamo paryi amiihai magaaajacumo cuuje eseseenefañodi mihigobadi mihicacuumo. Miihai fucu icivonofaño mihicacutih. <sup>6</sup> Jaanegui saatoho miyaanoco agaajatimobadi micigadino imino esicinimoro motoomo. <sup>7</sup> Jaanoti icigamo fucu cigahi, tolliro iguiriicavomo fucu guiriicavehi. <sup>8</sup> Jaanoti miihai Cristoco magaaayicuumo imino mehesicinithi miyaavogo, gaiji icaneri mofiico mofoboocithi, amocasiminaafi jigaiño meehuri ifiico ofoboocinicibadi. Tolliro mataajajinoco mehesicinineri, monigainoco mofoboocithi amocasiminaafi jigaiño nijegari iinigaico ofoboocinicibadi. <sup>9</sup> Moocaani mihaico idaasuno imooniqui ficuutih jilli Mohaivojiiho Jesucristofañodi mataajaquiro ficuubo. <sup>10</sup> Diibo Jesucristo mohallivi guijeveuhi diibomaryo micaqui mubuheerumo, miguijeveuurumo icano. <sup>11</sup> Jaanegui mesefaquifoto. Jaamoro fahigovavi mequehecusucasi toono mihicabadi.

### Pablo Inahabomico Fajinihi.

<sup>12</sup> Tañahabomi, amiihaico meneehi: Jaamo amiihaifaño ududidamaaimoro amiihaico Aivojiiho Jesufañodi iijiihogomoro afajiiinimoco mobociusuu.

<sup>13</sup> Jaamoro diitoco mihimogomoro guiraano magaiji toono dudidamaajeminaa iicamaño. Jaamoro sajeebii fahigovavi mihica.

<sup>14</sup> Tañahabomi, tolliro bu amiihaico meneehi: Mafago ududicamaaiñooco iimogotimoco, bu tolliro imiyaavogoti iniinovamoco mequehecutusu iniinovafimoco mahamusu fanoovaaco jaabicimoro famoomaryo mihica.

<sup>15</sup> Mehesicini saatohoba miihaiñoobaco imitino omoonimoco, bu imitino moonidimo. Tolliro moonitimoro iminoro mihica fahigovavi, bu famoovamaryo icano.

<sup>16</sup> Fahiijivaro imo imo mihicahica. <sup>17</sup> Fahiijivaro Moocaanima iimaamoro mihicahica. <sup>18</sup> Fanoohalliviro graciaco acimoro jilli Moocaani iimogono amiihaiditi Cristo Jesufañoodi.

<sup>19</sup> Moocaani Gaijaco mojeebiifañoti miguihanisudino. <sup>20</sup> Moocaani Gajari Moocaani iimaaminaa ijiibogonoco mitiisuguedino.

<sup>21</sup> Fanoonisuco iimino magaajamoro iiminocoro jeevesutimo toonoma mihica. <sup>22</sup> Paryi iiminotinoti amiihai ifiico magaihuini.

<sup>23</sup> Diiboro Moocaani sajeebii iicaabo amiihai ifiico imino ijeevadi ificuuqui, paryi amiihai ifiico amiihai jeebiico, amiihai gaijaco icano mihinivatino ificuuqui Mohaivojiibo Jesucristo asaajino imega.

<sup>24</sup> Jeevesutatiibo amiihaico ucuuhuvaabo. Jaabo miinoco bañisutatiibo jilli mooniji onoonoco.

#### **Niino Iimaa.**

<sup>25</sup> Monahabomi, Moocaanima mohallivi fahiijivaro mihiimaahica.

<sup>26</sup> Moojico mahaci paryi monahabomico imino iijiri.

<sup>27</sup> Amiihaico tajiibahi Mohaivojiibo mityari. Jaamo jihaameque paryi monahabomidi mihiimaasuhi.

<sup>28</sup> Mohaivojiibo Jesucristo jaafa amiihaico imino teemehi.